

報日環循

光緒十年歲次甲申二月初十日

號九十六零千四第 五 拜 禮

啟者本公司癸未
 年股本息銀照章
 於三月初一日開
 派凡屬股東至期
 請携息摺到總寫
 字樓收取是荷
 光緒十年
 正月二十三日
 萬安公司總理人
 謹啟 三十八

甲申年月份牌
 啟者本局現
 已排印成甲
 申年華英字
 月份牌發售
 價銀相宜諸
 君如欲採買
 祈早光顧
 是荷
 八月初七日
 本局謹啟

招 啟者 文武廟前餘地招人承投建造屋宇七間其票在東華醫院收截限期收至二月二十五日爲止票價低昂任由值事棄取如取用之票雖要殷實舖戶担保倘欲知其詳細請到東華醫院細看章程屋則便於此佈 光緒十年正月文武廟值事啟

新書出售

啟者現重排印王紫詮先生彙圖尺牘自九卷至十二卷新行增入其中頗及近日俄事裝訂厚本計銀四毫五仙仍照向時八卷原價而篇帙贏於舊者三分之一想諸君子留心時務者必喜留置案頭以備覽閱焉

中華印務總局謹啟

新到上海各書
現在本局新
到上海申報
館各種新書
無所不備如
蒙賜顧者
奉請早移玉
趾
癸未年
七月十四日
本局謹啟

眞珠船出 眞珠船一套內文一萬有奇其題之備文之
精前已刊報原於五月告竣乃自本堂承受
之後詳加較訂另添補名作精益求精故至
今始竣然書成之日外埠承辦十去其七粵
東僅餘數百套每套分釘十二卷該銀四兩
六錢不折不扣斷不減價特此佈聞 一在
十八甫經香閣 雙門底玉山樓 佛山北
勝街天成葵扇店 香港循環日報 發售
羊城枕經堂謹識

幫辦軍務大臣革職留任伊犂將軍奴才金順內閣學士兼禮部侍郎銜革職留任伊犂參贊大臣奴才升泰跪 奏爲領隊大臣因病出缺揀員署理恭摺仰祈 聖鑒事竊奴才等於光緒九年十月初二日據索倫營佐領訥勒泰稟稱索倫領隊大臣台慶管帶官兵眷口人等於本年八月二十四日由塔爾巴哈臺起程九月二十一日行抵博羅搭拉緣從前打仗受傷現因一路約束驅策晝夜辛勤以致舊傷復發勢甚沉重而每日仍力疾按站前進十月初一日至伊犂三臺附近之松樹頭地方益形委頓延至未刻身故等情稟報前來伏查索倫營官兵前經奴才金順奏奉 諭旨飭調旋回伊犂迭將駐防拱宸城情形陳明在案現在甫經遷歸所有安插整頓及操防一切事宜均關緊要而該營領隊因病出缺應即揀派委員前往署理以重職守查有記名副都統吉林烏拉爾白旂佐領克勇巴圖魯春滿精明諳練熟悉營務堪以署理除飭令接署外所有領隊大臣因病出缺揀員署理緣由謹合詞恭摺具陳伏乞 皇太后 皇上聖鑒 訓示再此摺係奴才金鵬主稿合併陳明謹 奏軍機大臣奉 旨知道了欽此

山東巡撫臣陳士杰跪奏爲查看利津縣十四戶決口擬先挑引河以便堵築及鑄門關以下擬遵舊取直以速宣洩恭摺仰祈
鑒事竊臣十月十六日馳抵十四戶查看該處決口現今水落寬尚二百餘丈水深自四五尺至一丈數尺不等大溜向決口西趨者幾
及十之八九正河溜勢雖經疏刷不滿二分遠望決口以下百餘里一片汪洋河西鹽灘橫斷均被沖缺而水勢漫衍乘小舟順口門徑
行四五里便行淺阻一由慶定溝出海一由洛河出海卽徒駭河尾閘若不亟行堵塞不惟被水災民無從生活而鹽灘冲刷全省均有
淡食之虞惟水勢過大自來決口奪溜不過二三分多至五六分今則已逾八分約略估計工料需銀五六十萬兩而施工固屬不易需
款亦復過多且所用蘆葦秫秸約五六千萬担麻木椿爲費尤鉅地近海濱卽加價採辦不能如許之多由上游購辦道途甚遠運費亦
昂就是不惜鉅費近溜堵築辦理亦難確有把握臣竟日往返河干再四思維其弊由東岸挺出沙洲年長一年故水勢直冲十四戶
而正河轉爲旁河擬仿占法先從迎水之處開引河一道長六里寬四十八丈底寬二十丈深一丈對岸築挑水壩數座河頭築迎水壩
一座引水直入正河水勢既殺再行堵築口門則用力較易而省費亦多以臣核實估計開挖引河前堵築口門用費不過三十萬金便
可成事俟堵台後被淹地面全行淌出再行察看何處冲刷較深可就勢開一小河分水入海俾令暢消因勢開挖所費亦不過十二三

署瓊州鎮右營都司劉煥章應行補
署守備事務委留瓊差遣督標中營
忝右營右哨千總莫善積著○二月
署督粮道彭稟知接印帥督粮道李
稟知接印試用通判姚文輝稟知進
知余參將軍裝已發清保甲局委員
二月初五月初六日 督憲武升轅
補用參將李新明稟到由稔山送蔡
王委員往梧州儘先都司鄧有俊干
遊擊高騰雲稟辭送方軍門潮勇往

美朝交訖辭志朝無與美國立統通商屢經締結茲接到海城有奉所言兩國交際之語惟之有誠有足述者謹錄以供眾覽且爲好談時事者資其按證也○朝鮮國全權大臣祝辭使臣閔泳翊洪英植等面奏大亞美理駕合眾國大伯理璽天德御前使臣等敬奉我大朝鮮國大君主欽命前來代祝大伯理璽天德及合眾國人民并享安甯再告兩國人民交友好誼均由確情互懷敦密實定相守永造無窮之福寶有國書二封一條我大君主敬覆大伯理璽天德一係本使臣全權文憑謹此進呈○大總統答辭正副欽差大臣閣下余接大朝鮮國大君主及政府派來之使臣不勝忻悅聞貴大臣來此平安余熟知貴國疆土之美海環三面形成半島百姓所有土產工藝亦皆知之至于人丁之眾勝於我合眾國獨立時三倍之多也我兩國相隔大洋非不遙遠然有輪船可保往來無難是貴國卽我比隣而係一妥當通商之大道也今按各國地圖論之東徧之國理應與我國結好通商俾各國利益日臻其勝也合眾國土地富厚利源廣大決無意於掠他邦之民占他人之地亦無須資乎他

方之產此有史書可証只求公平交涉彼此輯睦乃合衆國平心之政也此次與貴國通商固知有益於我而但俟貴國得悉我國新法農器及各樣機器則可知我國亦有益於貴國再於我國藝術律令等節有所採擇焉可也貴國於我國首先定立和好通商條約是爲妥善正辦且貴國大君主特派使臣前來我國人民實感厚意茲懇貴大臣代爲致謝于貴國大君主更願貴大臣旅次我國康健快樂將此合衆國政府人民所接待貴大臣之一般至意作爲回國後好記念甚有望焉 國書追錄 大朝鮮國大君主致書於大美國大物理璽天德茲者兩國條約互換和好既敦欽差全權大臣閔泳翊副大臣洪英植前往貴國修報聘之禮該大臣等公忠綜詳必能代達衷曲辦理妥協幸望推誠相信益臻友睦共享昇平諒亦貴物理璽天德之所歡悅也開國四百九十二年六月十二日大朝鮮國大君主御押安寶奉勅督辦交涉通商事務閔泳穆 王令旨 十一月二十七日奉王旨亞美理駕國國書着駐紮本國公使福特引見親受

決計用兵 正月十二日天津遞到西字信息云中國現以法人恃強肆虐欺陵太甚決意與之從事於戰場俾外侮無由日熾邊境得而又安蓋以北甯一隅實關中國安危必力守此土以次第收復東京夫然後異日議和可以自操其權法人固不能多所索賠即中國地方亦不敢肆其騷擾也信息又云去歲西歷十二月二十四日總理衙門王公大臣與英公使巴夏禮會晤談及時事李公鴻藻頗持正議不爲巴公使所屈說者謂李公其塞謂之孤忠深得大臣體度焉信息又云西員何律金前往山東等處遊歷現經興盡而返已回天津矣○窺見彗星 尼渣新報云新金山美利濱埠有某報館於西歷正月十二日仰觀天文窺見彗星一顆在於東南方云○擬設賽會 倫敦信息云日本貨物運至倫敦者現甚銷流衆因擬設一會用本銀五萬磅以賽日本貨物焉

土匪滋亂述聞 本港西字報云初七日下午有人報稱本港華人所居地方將有土匪揭竿而起此雖未見端倪而有地方之責者要不可不早爲防備也前聞惠州府有土匪作亂勢甚猖獗大爲閭閻之害因詳訪其事或云土匪約有二千人之多所用軍器悉屬上等鎗乃由本港購往者土匪初意本欲往東京以助法人攻奪北寧而道途云遠不能自達又恐風聲洩洩致干不便故遂爲亂也然惠州距本港約五十西里之遙由港取道前往固甚易耳又何不投欵於法人用船載往東京乎說者因謂惠州土匪或有同黨在本港聞其倡亂欲往相助故潛謀蠢動蓋本港及九龍多客籍之人及三合會匪素屬不安本分九龍地方官早有所聞恐其猝出不意潛出滋擾曾有文書照會港官謂邇

來所聞如是倘匪徒先槍劫港中富戶然後過海取頂九龍以往惠州與土匪聯合為患甚大官員因此遂增撥差役巡邏街道以備意外而海上多撥巡船晝夜梭巡所有均小心防守蓋豫備不虞古之善教也○提督接任 英國駐港水師提督多威魯已經接任視事初八朝在柯爹沙士戰船懸旗誌喜海上各國戰船皆燃炮以賀焉

議局聚會 初八日下午本港議例局開門聚會港督包制軍按察司飛輔政司馬律政司與庫務司李工務司布華民政司史及中西紳士贊臣翟臣沙官黃勝等均齊到局而包制軍為主席所議之事蓋有數款如擬設錢糧司事人員鴉片規例厘印章程議事乃散○甯郡近報 正月二十三日甯波信息云昨日有美國文那加思戰船行抵甯波即有華官二員赴船拜會其管駕官當告退時戰船炮炮送行是日管駕官即往答拜華員翌早是船遂動輪赴福州矣信息又云昨禮拜五日有中國炮船載共一千二百人到甯波登岸列隊而行頗甚整肅惟前未執持軍器云○練軍有成 漢城旬報云去年十一月二十九日朝鮮王駕幸春塘臺觀親軍練武是日親軍前營監督韓主稔率廣州樞練日本技藝新隸前營兵隊五百人入王親臨閱武五百人各背黃皮囊手後膛鎗一聽隊長指揮且運動進退之數擊刺施放之制學成練熟無有差忒比之於日本技藝殆不相上下因思強兵無他術惟在教之而已轉相授受曾未幾月藝已告成隊長之勤心教練尤可嘉尙朝王欣悅無既至十二月初一日親軍營提調金炳始授吏曹判書蓋所以旌之也

輪船劫主 聞海南輪船現經華芳店轉售與省港澳輪船公司得銀四萬二千圓聞將用為夜火船一來往省港焉按是船向由本港往來海口等埠者也○兩船相撞 聞有英國和路士加蘇帆船於正月二十日由港啟行欲往小呂宋埠二十七日駛至中途猝不及防致與西班牙棉拿那輪船相撞輪船損壞實甚其烟通亦經斷折據傳此輪船亦由港開行以往小呂宋者也現已復駛回本港入澳修葺矣至帆船受傷若何則尚未知蓋已行抵小呂宋矣○艇遭覆溺 福州遞到郵筒云正月二十九日昇處天色陡變東北風大作河道浪湧如山有盤運貨物之艇滿載駛行衝濤激湍冒險而進及至羅星塔處為風所掀簸不能支持遂致覆溺艇中貨物盡付東流篙工舵長亦皆問諸水濱幸附近有艇見而赴救拯回數人其不獲生還者僅四人耳○失足致命 初八朝約六點鐘時候有人在於金些利埔頭之側見屍一具攔於灘旁後經查悉是士威士英國炮船之工人於初七晚十一點鐘由舵工會館出欲僱艇回船偶爾失足墜於海濱為石撞折頸骨遂致殞命經昇往水師醫院請官相驗陪審人員謂失足殞命與

火往打狼濱金等
船礮云厘新山埠
願者本行有火船
壹隻名臺灣準期
於二月廿二日開
行前往礮打運并
厘濱新金山等
貴客欲搭船附貨
者請至本行面議
光緒十年 壬午
二月 十八日
太古洋行啟

往新金山雪梨等
茲本行有火船壹
隻名文苗準期於
二月十四日開行
前往新金山硃兜
運谷當庇厘士濱
雪梨狹利畔等埠
貴客欲附貨搭船
者請至本行面議
正月廿四日

往檀香山域多厘
茲本公司有堅固快
捷火船一隻名和活
改實期於二月廿四
日啟行前往檀香山
域多厘等埠如有
貴客欲附貨搭船者
請至本公司面議
光緒十年 壬子
正月 廿壹日
香港華芳公司謹啟

火船往橫濱神戶
啟者本行有火船
一只名邊高路改
期於二月初十日
下午開行前往橫
濱神戶準 貴客
欲搭船附貨者請
至本行面議
光緒十年 羊二
月初六日
切行公司謹啟

香港 英京 省城 上海 福州 天津 漢口 屈臣氏
 又爲外國遠官所嘉可知並無僞飾凡有志戒烟者請勿懷疑觀望可也

印刊韜王局總務印華中號